

ქვეპროგრამის განაცხადის ფორმა

პროგრამის დასახელება, რის ფარგლებშიც ხორციელდება ქვეპროგრამა:

მოსახლეობის გარკვეული კატეგორიების თავშესაფრით უზრუნველყოფა

ქვეპროგრამის კლასიფიკაციის კოდი:

061202

ქვეპროგრამის დასახელება:

ფსიქიკური პრობლემების მქონე გერიატრიული პაციენტების თავშესაფრით უზრუნველყოფა

ქვეპროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

ქვეპროგრამის მთლიანი ბიუჯეტი:

დასახელება	2025 წელი
ა/რ ბიუჯეტის საკუთარი შემოსავლები	1,460,000
სულ ბიუჯეტი:	1,460,000

ქვეპროგრამის მიზანი:

ფსიქიკური პრობლემების მქონე გერიატრიული პაციენტების თავშესაფრით უზრუნველყოფა, პაციენტებისა და მათი ოჯახის წევრების სოციალური და ფსიქოლოგიური მხარდაჭერა.

ქვეპროგრამის აღწერა:

ქვეპროგრამის ბენეფიციარები არიან ხანდაზმული (ქალები - 60 წლიდან, მამაკაცები - 65 წლიდან) ფსიქიკური პრობლემების მქონე პირები, რომელთა მართვა სახლის პირობებში შეუძლებელია და ამავე დროს ვერ აკმაყოფილებენ სტაციონარული მომსახურების პირობებს. ქვეპროგრამის ფარგლებში გათვალისწინებულია დროებითი 24-საათიანი თავშესაფრით უზრუნველყოფა, სადღეღამისო მომსახურება სამჯერადი კვებით, ბენეფიციარების უზრუნველყოფა პირადი ჰიგიენის ნივთებით, პაციენტის ფსიქიატრიული მდგომარეობის შეფასება, ფსიქოტროპული მედიკამენტებით მკურნალობა, ასევე საბაზისო ლაბორატორიული და ინსტრუმენტული კვლევების ჩატარება და საჭიროების შემთხვევაში თანმხლები/გამოვლენილი სომატური დაავადებების ადგილზე მკურნალობის უზრუნველყოფა. პაციენტებს რეაბილიტაცია ჩაუტარდებათ მულტიდისციპლინარული მეთოდით ინდივიდუალური მართვის გეგმის შესაბამისად, სხვა სომატური გართულების შემთხვევაში გათვალისწინებულია სამედიცინო მომსახურების ორგანიზება. ზემოაღნიშნული ღონისძიებების დღიური დაფინანსების ოდენობა შეადგენს 80 ლარს. ქვეპროგრამა განხორციელდება სოციალური ვაუჩერის მეშვეობით. ვაუჩერის მოქმედების ვადა განისაზღვრა ვაუჩერის გაცემის დღიდან 2025 წლის 31 დეკემბრის ჩათვლით, თუ ვაუჩერში სხვა ვადა არ არის მითითებული. ქვეპროგრამის ფარგლებში მომსახურების ერთდროულად მიმღებ ბენეფიციართა რაოდენობა არ აღემატება 50 პირს.

ვაუჩერის გაცემის საფუძველს წარმოადგენს:

- განცხადება;
- ცნობა ჯანმრთელობის მდგომარეობის შესახებ - ფორმა №IV-100/ა სპეციალიზებული დაწესებულების მიერ დადასტურებული დიაგნოზით;
- პირადობის დამადასტურებელი მოწმობის ასლი, ან სხვა დოკუმენტი, რომლითაც შესაძლებელია პირის იდენტიფიკაცია;
- საინფორმაციო ბარათი რეგისტრაციის ადგილისა და თარიღის თაობაზე;
- დასკვნა ბენეფიციარის ქვეპროგრამაში ჩართვის საჭიროების შესახებ გაცემული შესაბამისი სპეციალისტების მიერ (არა ნაკლებ 3 სპეციალისტი, მათ შორის სოციალური მუშაკი).

ქვეპროგრამით გათვალისწინებული მომსახურებით ისარგებლებენ საქართველოს მოქალაქეები, რომლებიც 2025 წლის 1 იანვრის მდგომარეობით და ვაუჩერის გაცემის პერიოდისათვის უწყვეტად რეგისტრირებულნი არიან აჭარის ავტონომიური რესპუბლიკის ტერიტორიაზე. ასევე, იძულებით გადაადგილებული პირის სტატუსის მქონე მოქალაქეები, რომლებსაც დევნილის სტატუსის დამადასტურებელი დოკუმენტის მიხედვით რეგისტრაციის ადგილად უფიქსირდებათ აჭარის ავტონომიურ რესპუბლიკის ტერიტორია. (წყვეტილობის არსებობის შემთხვევაში, პირი არ უნდა იყოს რეგისტრირებული აჭარის ავტონომიური რესპუბლიკის ადმინისტრაციული ტერიტორიის გარეთ).

გამონაკლის შემთხვევებს, ქვეპროგრამის განხორციელების წესსა და მასთან დაკავშირებით გასატარებელ ღონისძიებებს განსაზღვრავს და ამტკიცებს აჭარის ავტონომიური რესპუბლიკის ჯანმრთელობისა და სოციალური დაცვის მინისტრი შესაბამისი ინდივიდუალურ-სამართლებრივი აქტით.

პროგრამით დასაფინანსებელი ნოზოლოგიური ჯგუფები
F00-F009 ორგანული ზუნების აშლილობანი, სიმპტომატურ აშლილობათა ჩათვლით
F00* - დემენცია ალცჰაიმერის დაავადების დროს (G30-).
F01* - სისხლძარღვოვანი (ვასკულარული) დემენცია.
F02* - დემენცია სხვა თავში მოყვანილი დაავადებების დროს.
F03 - დაუზუსტებელი დემენცია.
F04 - ორგანული ამნეზიური სინდრომი, რომელიც არ არის გამოწვეული ალკოჰოლით ან სხვა ფსიქოტროპული ნივთიერებების მიღებით.
F05 - დელირიუმი, რომელიც არ არის განპირობებული ალკოჰოლით ან სხვა ნივთიერებებით.
F06 - ტვინის დაზიანებით და დისფუნქციით, აგრეთვე სხვა ფიზიკური დაავადებით გამოწვეული ფსიქიკური აშლილობანი.
F07 - ტვინის დაზიანებით და დისფუნქციით, აგრეთვე ფიზიკური დაავადებით გამოწვეული პიროვნული და ბიჰევიორული აშლილობანი.
F09 - დაუზუსტებელი ორგანული და სიმპტომატური აშლილობანი.

დასახელება	პროდუქტები		
	რაოდენობა	ერთ. საშ. ფასი	სულ (ლარი)
ფსიქიკური პრობლემების მქონე გერიატრიული პაციენტების თავშესაფრით უზრუნველყოფა	50	29,200	1,460,000
სულ ქვეპროგრამის ბიუჯეტი			1,460,000

ქვეპროგრამის განხორციელების დროითი გეგმა

	1 კვარტალი	2 კვარტალი	3 კვარტალი	4 კვარტალი
მომსახურების მიმწოდებელი სამედიცინო დაწესებულებების შერჩევა	X	X	X	X
მოქალაქეთა განცხადებების მიღება	X	X	X	X
წარმოდგენილი განცხადებების განხილვა	X	X	X	X
ვაუჩერების გაცემა	X	X	X	X

მომავალი წლის მოსალოდნელი შედეგი

ხანდაზმული ფსიქიკური პრობლემების მქონე პაციენტებისა და მათი ოჯახის წევრების/მომვლელის სოციალური და მორალური მხარდაჭერა უზრუნველყოფილია.

პროგრამის საბოლოო შედეგის ინდიკატორები

მოსალოდნელი შედეგი	შედეგის ინდიკატორები	გაზომვის ერთეული	მონაცემთა წყარო	სიხშირე	პასუხისმგებელი (საბიუჯეტო ორგანიზაცია)	მოგროვების მეთოდი
ხანდაზმული ფსიქიკური პრობლემების მქონე პაციენტებისა და მათი ოჯახის წევრების/მომვლელის სოციალური და მორალური მხარდაჭერა უზრუნველყოფილია.	ბენეფიციარების რაოდენობა	50	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროს სოციალური დაცვის დეპარტამენტი	წელიწადში ერთხელ	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	აჭარის ავტონომიური რესპუბლიკის ჯანმრთელობისა და სოციალური დაცვის სამინისტროში შემოსული მოქალაქეთა განცხადებების ანალიზი